

SWD TWEEKAMP/BIATHLON



TWEEKAMP
BIATHLON

VOORSITTERSVERSLAG 2005/6
FINANSIËLE VERSLAG 2005/6
Dave van der Walt

VOORSITTERSVERSLAG 2006

Nog 'n bedrywige jaar het gekom en gegaan en danksy die ge-oliede wyse waarop tweekamp in die SWD bedryf word, dink baie buitestanders dat dit net maanskyn en rose is. Alles behalwe. Daar gaan baie en harde werk en lang ure en baie telefoonoproewe, fakse en eposse in om dit so te hou. Nogmaals baie dankie aan die persone wat hierdie opoffering doen.

Baie geluk ook aan George met die bou van 'n Olimpiese standaard swembad. Ons is seker dat tweekamp ook gaan baat by hierdie ontwikkeling.

Seker die hoogtepunt van die afgelope seisoen is die feit dat SWD Tweekamp aangewys is as die Wes-Kaapse Sportfederasie van die Jaar. In leketerme beteken dit dat SWD Tweekamp die sportfederasie in die SWD, Boland, WP en Weskus is wat volgens neergelegde kriteria die beste bestuur is. Baie geluk ook aan Deon Fourie wat vereer is met die SA Tweekamp se hoogste toekenning nl die Honoris Causa. Ons weet Deon sal die waardige draer van hierdie kleure wees.

Graag doen ek net verslag van die volgende sake van belang :

TWEEKAMP : NASIONAAL - OORSIG

Seker die belangrikste nuus is dat SA Tweekamp na twee pogings R414 000 by LOTTO gekry het om ontwikkeling te bedryf. 'n Besigheidsplan is alreeds uitgewerk [sien angeheg] vir goedkeuring deur provinsies.

Net terugvoering oor die volgende nasionale sake :

- Daar sal nie vanjaar enige SA spanne gekies word wat plaaslike gaan deelneem nie. Daar sal wel 'n SA Ontwikkelingspan aan die SA's deelneem;
- Nasionale webtuiste vir tweekamp is daargestel [www.sabiathlon.co.za]
- SA Kampioenskappe 2007 vind in Kaapstad plaas [7/8 April 2007];
- SA Kampioenskappe 2008 in Noord-Gauteng [Pretoria]

SWD

PLAASLIKE BYEENKOMSTE

- 2 provinsiale proewebyeenkomste [HG & OP];
- 1 provinsiale kampioenskap [tweekamp]
- 1 Interprovinsiale byeenkoms [Highgate]
- 3 ligabyeenkomste
- Ek stel voor dat die SWD Biathlo Kampioenskappe op as deel van die Highgate Byeenkoms afgehandel word;
- Atlete [en selfs afrigters] wil net na sekere byeenkomste reis. Die probleem sal ernstig aangespreek moet word.
- Daar is nog nie vordering gemaak met die deelname van die Langebergstreek nie.
- Die "Doubles"-byeenkoms word steeds gewilder.
- Mosselbaai Biathlo Gran Prix-byeenkoms.

PROVINSIALE BYEENKOMSTE

- Neem aan 2 interprovinsiale byeenkomste deel - OP en Highgate;
- B/Ontwikkelingspanne in albei gevalle gekies;
- Ons beplan om ook 'n klein Elite-spannetjie na Griekwas te stuur op 27/28 Oktober 2006.



NASIONALE BYEENKOMSTE

TWEEKAMP/BIATHLO

SA KAMPIOENSKAPPE 2006: GERMISTON - 25/26 Maart 2006

[Sien die verslag van die spanbestuur.]

Die SWD Tweekampspan vir die 2006 SA Kampioenskappe in Germiston



ONTWIKKELING

Ontwikkeling is nog steeds kerngesond in SWD Tweekamp/Biathlo en baie dank verskuldig aan ons ontwikkelingsbeampte, Deon Fourie. Ook is baie dank verskuldig aan mev Badenhorst wat onbaatsugtig gehelp het met ontwikkeling in veral die swimkomponent. SWD word nie verniet as een van die leiers op die gebied van ontwikkeling beskou nie! Die spesiale projek wat aangepak is by die Klein Karoo Vaardigheidsskool het puik dividende gelewer deurdat 3 van hulle atlete opgeneem is in die SA Ontwikkelingspan.

Die afgelope jaar het ontwikkeling in die SWD goed gedoen en het SWD weer 3 atlete vir die SA Ontwikkelingspan op die SA Kampioenskappe in Germiston gelewer. Ons het vanjaar weer ontwikkelingsklinieke aangebied op Oudtshoorn, George, Bridgtown [Oudtshoorn] en Calitzdorp. Ons beplan ook om vanjaar nog die ontwikkeling uit te brei na die gestremde atlete en wil ook graag 'n kliniek op Beaufort-Wes aanbied. Daar is weer aansoek gedoen vir ontwikkelingshulp by die DCAS en daar word nog gewag vir die uitslag.



NASIONALE BESTURE


- Dave van der Walt weer herkies op SA Uitvoerende Bestuur en as nasionale keurder vir 2006/7. Hy word kry ook die portefeuille van Nasionale Ontwikkeling by met die oog op die skunking deur LOTTO.

FINANSIES

- Finansies nog gesond alhoewel die druk al groter word en die borge alhoe kleiner;
- Die baan en swwembadhuur beloop nou oor die R3400 per jaar en dit moet vanaf vanjaar vooraf betaal word;
- Sluit jaar af met R22509,20[tweekamp] en R9345,4109 [Ontwikkeling]
- SA Kampioenskappe volgende jaar gaan ons heelwat minder kos agv van afstand [Kaapstad];

BORGE

- Highgate bly een van SWD se getroue borge en het aangedui dat hulle weer volgende jaar met ons gaan wees;
- Klein Karoo/Seesig Motors borg ons ontwikkeling met waentjie;
- Dept van Kultuursake & Sport ondersteun SWD Tweekamp goed;
- St Elmo's Pizza het bygekom as borg vir die "Doubles"-byeenkoms.



BESKIKBAARSTELLING VAN UITSLAE

SWD Tweekamp se liga- en kampioenskapsbyeenkomste se uitslae word nou deur middel van SWD se webtuiste aan die verskillende streke/skole/klubs beskikbaar gestel. Ons is tans besig om die stelsel te verbeter en hoop om dit vanjaar in behoorlike werking te stel. Die adres is www.swdtweekamp.co.za.

APPARAAT EN TOERUSTING

- Puik toergeruste waentjie met alles wat nodig is vir aanbied van 'n byeenkoms;

TRANSFORMASIEBELEID

GESTREMDES

Die betrokkenheid van fisiese gestremdes in tweekamp blyk minimaal te wees aangesien dit die twee komponente van swem en hardloop behels. Tog is SWD Tweekamp in gesprek met die plaaslike Vereniging van Gestremdes om die sportsoort te bevorder. Ons kliniek wat vir 2006 beplan is, kon nie plaasvind nie agt fisies hindernisse. Ons gaan egter vanjaar probeer om hierdie projek aan te pak.

ONGELYKHEID VAN DAMES IN SPORT

SWD Tweekamp is alreeds ver gevorder op hierdie gebied nadat daar die afgelope tyd baie aandag daaraan gespanneer is. Soos die angehegte organigram van die Bestuur van SWD Tweekamp aandui, is heelwat dames in bestuurposisies. Die Vice-Voorsitter, Algemene Sekretaris, Sekretaris : Beampes, Tesourier, Verteenwoerdiger vir Seniors, asook die 4 streeksverteenwoordigers. Die probleem het nou ontstaan dat daar myns insiens te min mans [3] op die bestuur is. Tog lewer die dames 'n uitstekende diens is groei SWD Tweekamp positief.

DEELNAME VAN ANDERSKLEURIGES

Alhoewel redelik baie gedoen word om hierdie ontwikkeling te stimuleer, blyk dit 'n groot probleem te wees. Vervoer en swemgeriewe blyk die hindernis te wees.

SWD SPORTRAAD

SWD Tweekamp is 'n lid van die SWDSR en as deel in die projekte wat hulle aanbied. Onlangse kursusse soos Sports Law, Dispute Resolution, Transformasie, noodhulp en Doping Control is in die SWD aangebied.

ALGEMEEN

Graag wil ek ook die volgende belangrike punte aanraak.

- Om die sportsoort organisatories gesond te maak, MOET elke geaffilieerde lid sy bydrae maak. Van elke lid word verwag om by elke byeenkoms ten minste 1 beampie beskikbaar te stel - dit kan ook 'n bekwame ouer wees ! Vanjaar gaan ons van skole/klubs verwag word om die beampie skriftelik vir die ligabyeenkomste aan te wys.
- Dit is die verantwoordelikheid van elke tweekamporganiseerder om toe te sien dat elke deelnemer in sy/haar skool of klub se klere deelneem - dit bevorder die aansien van ons sportsoort en ook die verkryging van die nodige borgskappe.
- Die stiptelike samewerking van elke organiserder/skool om die organisasie van ons provinsie nog meer te verbeter.

BEDANKINGS

Gun my asseblief die geleentheid om die volgende persone en instansies te bedank :

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;

- Aan my SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan ons jarelange borg en vriend, Alex Hooper van HIGHGATE VOLSTRUIS-VERTOONPLAAS ;
- Mn George Botha van KLEIN KAROO/SEESIG MOTORS, vir die borgskap van die waentjie;
- Die Departement van Kultuursake en Sport van die Wes-Kaap, en in die besonder die plaaslike SWD-kantoor [Jean Neethling en Dirk v d Westhuizen] vir finansiële en fisiese bystand;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn, HS Outeniqua en ander instansies vir die beskikbaarstelling van hulle fasiliteite en geriewe;
- Aan my gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.



Dave van der Walt
Voorsitter